

Na osnovu čl. 4.2, 4.7. i 7. Zakona o prenosu, regulatoru i operatoru sistema električne energije u Bosni i Hercegovini (“Službeni glasnik BiH”, br. 7/02, 13/03), člana 33. Poslovnika o radu Državne regulatorne komisije za električnu energiju (“Službeni glasnik BiH”, broj 2/05) i člana 16. i 38. Pravilnika o licencama (“Službeni glasnik BiH”, broj 38/05), Državna regulatorna komisija za električnu energiju, na sjednici održanoj 1. decembra 2010. godine, donijela je

ODLUKU

O IZDAVANJU PRIVREMENE LICENCE ZA DJELATNOST MEĐUNARODNE TRGOVINE ELEKTRIČNOM ENERGIJOM

1. Izdaje se privremena licenca Društvu HSE BH d.o.o. Sarajevo za obavljanje djelatnosti međunarodne trgovine električnom energijom.
2. Privremena licenca iz tačke 1. ove odluke izdaje se za period od 1. decembra 2010. godine do 30. novembra 2012. godine.
3. Sastavni dio privremene licence su Uslovi za korištenje privremene licence za obavljanje djelatnosti međunarodne trgovine električnom energijom.
4. Ova odluka stupa na snagu danom donošenja i biće objavljena u “Službenom glasniku BiH” i službenim glasilima entiteta.

Obrazloženje

HSE BH d.o.o. Sarajevo (u daljnjem tekstu: podnosilac zahtjeva) podnijela je Državnoj regulatornoj komisiji za električnu energiju (u daljnjem tekstu: DERK) zahtjev za izdavanje licence za obavljanje djelatnosti međunarodne trgovine, zaprimljen pod brojem: 05-28-12-229/10 od 20. avgusta 2010. godine.

Shodno članu 7. Zakona o prijenosu, regulatoru i operatoru sistema električne enegije u Bosni i Hercegovini (“Službeni glasnik BiH”, br. 7/02, 13/03) za aktivnost međunarodne trgovine električnom energijom potrebna je licenca DERK–a, a podnosilac zahtjeva je dužan zadovoljiti uvjete i kriterije za dobivanje licence koje svojim pravilima i propisima odredi DERK.

Zahtjev je podnjet na propisanim obrascima, sa dokazom o prethodno izvršenoj uplati naknade za rješavanje zahtjeva i relevantnim dokumentima koji su, podnijeti uz zahtjev ili predočeni naknadno na zahtjev DERK–a, omogućili DERK–u da razumije, razmotri i odluči o podnijetom zahtjevu. U ovom smislu, u skladu sa članom 8. stav 2. Pravilnika o licencama, DERK je obavijestio podnosioca zahtjeva svojim aktom broj: 05-28-12-229-3/10 od 21. septembra 2010. godine.

Po pregledu i provjeri svih formalnih elemenata zahtjeva DERK je najprije, u skladu sa obavezom iz člana 10. Pravilnika o licencama, 23. septembra 2010. godine objavio u dnevnim novinama i na svojoj internet stranici kratku obavijest za javnost sumirajući zahtjev za licencu i odredio rok do 7. oktobra 2010. godine za dostavljanje komentara javnosti na podnijeti zahtjev za izdavanje licence.

DERK je konstatirao da nisu dostavljani komentari javnosti u vezi podnijetog zahtjeva za dodjelu privremene licence, niti je na javni poziv DERK–a bilo koje lice kandidiralo svoj interes da učestvuje u postupku u svojstvu umješaka.

DERK je izvršio provjeru podataka, dokumenata i informacija priloženih uz zahtjev i utvrdio da isti svjedoče o tehničkim, pravnim i finansijskim mogućnostima podnosioca zahtjeva da ispuni sve kriterije, uvjete i standarde propisane zakonom, pravilima i propisima DERK–a za

dodjelu licence za obavljanje međunarodne trgovine. DERK je stoga pripremio početnu verziju Uvjeta za korištenje privremene licence za obavljanje djelatnosti međunarodne trgovine. Ovaj dokument je od 26. oktobra 2010. godine učinjen dostupnim podnosiocu zahtjeva, kao i svim drugim zainteresiranim članovima javnosti, a omogućena im je prilika da iznesu svoje komentare i na općoj raspravi obavljenoj 2. novembra 2010. godine u sjedištu DERK-a u Tuzli, uz prethodnu objavu odgovarajuće obavijesti u dnevnim novinama i objavu dokumenta na internet stranici DERK-a.

Kako su na održanoj općoj raspravi izostali bilo čiji komentari koji su mogli utjecati da neki od uvjeta za korištenje licence budu uređeni na drugačiji način, pripremljen je prijedlog da se zatražena licenca izda i dostavljen podnosiocu zahtjeva aktom DERK-a, broj: 05-28-12-229-16/10 od 4. novembra 2010. godine. U ostavljenom roku do 11. novembra 2010. godine, podnosilac zahtjeva je istakao komentar da se period važenja privremene licence pomjeri na 1.12.2010. godine.

Na osnovu svega naprijed izloženog, te respektirajući i dokaz da je podnosilac zahtjeva prethodno ishodio dozvolu Regulatorne komisije za električnu energiju u Federaciji Bosne i Hercegovine za obavljanje djelatnosti snabdijevanja električnom energijom drugog reda na teritoriji Bosne i Hercegovine, registracijski broj: 06-03-1113-08/13/10 od 30. novembra 2010. godine, DERK je odlučio kao u dispozitivu ove odluke.

U skladu sa članom 9.2 Zakona o prijenosu, regulatoru i operatoru sistema električne energije u Bosni i Hercegovini, protiv ove odluke može se pokrenuti postupak pred Sudom Bosne i Hercegovine podnošenjem tužbe u roku od 60 dana od dana objave ove odluke.

Broj: 05-28-12-229-19/10
1. 12. 2010. godine
Tuzla

predsjedavajući Komisije
Mirsad SALKIĆ